



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XVII. Gregorii Papae I. Ad Felicem Episcopvm Sipontinvm. De
Tribuno ab hostibus redimendo ex ecclesiae pecuniis.

urn:nbn:de:hbz:466:1-15221

Mense Septembri, indictione duodecima.

EPISTOLA XVII.

GREGORII PAPÆ I.

AD FELICEM EPISCOPVM SIPONTINVM.

De Tribuno ab hostibus redimendo ex ecclesiæ pecuniis.

Gregorius Felici episcopo Sipontino.

QVALITER succurrendum sit redemptionibus captiuorum, & sanctorum Canonum, & mundanarum legum sanctio euidenter edocuit. Quod cum omnibus notum sit, mirati sumus, ut fraternitas tua in redemptionem Tribuni clerici tui presentium latoris nulla mora misericordia subueniret. Quod ergo sponte facere distulisti, nostra saltem facere festina adhortatione commonitus: ne si, quod non credimus, negligendum putaueris, incipiat tibi necessitas, quod voluntas fugit, imponere. Quia igitur supradictus Tribunus ab hostibus se prædatum, ac centum duodecim solidis se perhibet * comparatum, ad quorum se deflet restitutionem urgeri, hæc te oportet diligenter inquirere. Et si ita est, nec eum unde premium in se datum reddere possit habere cognoueris, supradictos solidos de ecclesia redemptori eius restitue. Nam valde durum est si de ecclesia cui militat remedium nullum inueniat. Omis-
sa itaque excusatione, premium quod in eo datum manifesta veritate patuerit, sine aliqua mora, sicut sumus præfati, restitue; quatenus nec creditorem eius tempore necessitatis afflicto subuenisse poeniteat, & hic onere mœroris exutus, mente libera, officii sui ministerium solícite ac competenter exhibeat.

Mense Januario, indictione duodecima.

EPISTOLA XVIII.

GREGORII PAPÆ I.

AD MAVRV M ABBATEM A SANCTO PANCRATIO.

Commendat ecclesiam sancti Pancratii, ut ad eius corpus Dei opus peragatur.

Gregorius Mauro abbati a sancto Pancratio.

ECCLESIARVM cura, quæ sacerdotilibus officiis euidenter infixæ est, ita nos cogit esse solícitos, ut nulla in
eis